




Lis pou evite anpwazònman Monoksid kabòn (CO)

Monoksid Kabòn se yon gaz, souvan yo rele li CO, se senbòl chimik li. CO pa tankou anpil lòt gaz, li pa gen sant, ni koulè, ni gou, epi li pa irite po ou.

Selil wouj san yo pran CO pi vit ke yo pran oksijèn. Si genyen anpil CO nan lè a, kò ou ka ranplase oksijèn ki nan san ou ak CO. Sa anpeche oksijèn antre nan kò ou, li ka domaje tisi nan kò ou e li ka touye ou. Si w konnen ki kote ou ka jwenn CO epi ki jan ou ka evite CO sa ka pwoteje ou kont aksidan grav ak lanmò.



Teste konesans Monoksid Kabòn ou ak tès sa yo.

Kay la, Kabin nan, ak machin pou kan

Pifò kesyon yo ap pou pwopriyetè kay, moun kap fè kan, ak lokatè. Lokatè yo dwe mande moun ki responsab kay la kesyon sou jan li kenbe kay la an bon eta avèk reparasyon.


- Konbyen fwa mwen dwe fè yo tcheke lè kap soti nan founo kay la avèk lòt lè kap soti nan lòt aparèy ki boule gaz.
Chak anè fè yon moun ki kalifye tcheke aparèy ki sèvi ak gaz nan kay la.



- Chak konbyen fwa yo sipoze tcheke aparèy gaz mwen yo?
Chak ane. Fè yo tcheke aparèy gaz yo chak ane. Li posib ke konpayi gaz ou kap fè sa pou ou.
- Eske ou sipoze bay tout aparèy gaz ouvèti?
Wi. Ou dwe bay tout aparèy gaz ouvèti pou CO pa akimile anndan kay ou, nan kabin ou, ou machin pou fè kan yo.

- Chak konbyen fwa mwen sipoze tcheke bouch chemine mwen pou pan ak fatra?
Chak ane. Chemine ka bloke avèk fatra. Sa ki vinn lakòz ke CO akimile anndan kay ou oubyen kabin ou. Fè yo tcheke chemine ou chak ane.
- Eske sa pa yon pwoblèm si mwen pyese bouch yon tiyo avèk riban adezif, lakòl, ou yon lòt bagay?
Non. Jan de pyese sa yo ka fè CO akimile anndan kay ou, kabin ou, oubyen nan machin pou fè kan.
- Eske bouch tiyo ki orizontal a aparèy gaz mwen an ap kanpe byen sou nivo?
Non. Bouch tiyo anndan yo monte tou piti pandan yap soti deyo. Sa ede anpeche CO oubyen lòt gaz pou yo pa koule si tiyo yo pa sere byen.

Here's the Safe Way to Connect Heating Equipment to the Chimney



- Eske'm dwe sèvi ak recho oubyen fou a gaz pou'm chofe kay la?
Non. Si'w sèvi ak recho oubyen fou a gaz pou'w chofe kay ou li ka lakòz CO akimile anndan kay ou, kabin ou, oubyen machin pou kan.
- Eske'l nòmal si pati ki bay frechè nan frigidè gaz mwen an bay yon odè?
Non. Odè ki soti nan pati ki bay frechè nan frigidè gaz la ka sinifi ke pati sa a genyen pwoblèm. Li ka pwodwi CO. Si'w pran sant you odè nan pati ki bay frechè nan frigidè gaz la, fè yon teknisyen ki kalifye tcheke li.

- Eske'm ka sèvi ak yon griy chabon oubyen yon griy babekyou anndan kay la?
Non. Lè'w sèvi ak yon griy anndan kay la san w pa mete li anndan yon founi ki byen vantile, li ka lakòz CO akimile anndan kay ou, kabin ou, oubyen machin pou kan.
- Eske m ka boule chabon anndan kay la?
Non. Lè w boule chabon – kit li wouj,gri, nwa, oubyen blan – li ka pwodwi CO.
- Eskè ou ka sèvi ak aperèy pòtab pou chofe kay ki pa fè flanm anndan kay ou an ansekirite.
Non. Menmsi aparèy sa yo pa fè flanm, yo sèvi ak gaz epi yo ka akimile CO anndan kay ou kabin ou, oubyen machin pou kan.
- Eske m ka sèvi ak recho pòtab pou kan anndan kay la?
Non. Lè w sèvi ak recho pou kan yo anndan kay, li ka lakòz Co akimile anndan kay ou, kabin ou, oubyen machin pou kan.

Machin oubyen Kamyon ou

- Chak kilè mwen dwe fè yon mekanisyen tcheke sistèm lafimen machin nan?
Chak ane. Si sistèm lafimen an koule, li ka akimile CO anndan machin nan.
- Eske mwen ka kite yon machin oubyen kamyon ap mache andedan yon garaj si pòt garaj la fèmen?
Non. CO ka akimile anndan machin oubyen kamyon ki ap mache si pòt garaj yo fèmen. Pa janm kite pòt garaj yo fèmen si pòt yo pa ouvri pou kite lè frè antre anndan an.
- Eske mwen dwe fèmen pòt antre garaj mwen ak kay mwen lè machin mwen oubyen kamyon mwen ap mache?
Wi. CO ka soti nan garaj la pou'l antre anndan kay la, menmsi pòt garaj la ouvri pou fè lè fre antre. Fèmen pòt ki konekte kay la ka garaj la lè machin ou oubyen kamyon ou ap mache.
- Mwen kondwi yon machin stasyon wagon. Eske mwen dwe bese mòflè a pou plis è ka antre anndan machin nan?
Si'w ouvri mòflè a, ou sipoze ouvri ouvèti yo oubyen fenèt yo pou'w ka asire lè a ap sikile anndan machin nan. CO ki soti nan tib lafimen nan ap antre anndan machin nan.

Aparèy Yo

- Lè m chwazi aparèy gaz, ki jan pou m fè konnen si li pa danje?
Achete sèlman aparèy ki genyen siy ajans ki teste yo a, tankou American Gas Association oubyen Underwriters' Laboratory.
- Eske I difisil pou chanje gaz ki te nan yon recho epi mete yon lòt kalite gaz?
Li ka vrèman difisil pou fè sa san okenn pwoblèm. Ou dwe genyen yon teknisyen ki kalifye pou fè chanjman an pou ou epi pou li asire ke recho a byen vantile.